



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Sortes, Qvibvs, Ne Temere Cadant, Temperandis; Vel, Si
Temere Dvcvntvr, Castigandis, Divini Ivdicii Æqvitas
Semper Adest**

Stengel, Georg

Ingolstadii, 1645

§. 7. Ab innocentibus, & sibi nihil conscijs, non esse metuendas
eiuscemodi desperatorum citationes.

[urn:nbn:de:hbz:466:1-52306](https://nbn-resolving.org/urn:nbn:de:hbz:466:1-52306)

qui iniuste alios ad hoc vadimonium venire iubent, non solum grauissime peccant, dum alijs faciunt, quod ipsi sibi fieri nollent, atq; eos, quos citant, tanquam innocentiae oppressores, iniquissime suggillant; sed etiam a Deo non exaudiuntur; ex odio enim, aut iniusta vindicta alios volunt a vita expelli; stulteq; arbitrantur, Deum caeco furori mendacijsque calumniantium cooperaturum. Aut certe sperant, hoc pacto, citatos minaci terrore vsque ad lethalem tristitiam concutiendos. Potest enim tam proterua citatio nonnullos meticulosos, & vel vmbra timentes, ita potenti terrore percellere, vt ex ipso metu imaginationeq; mortis, in morbum & mortem prolabantur. Panicus quidem & vanus est timor, sed multos, si non omnino occidit, saltem vehementer angit.

§. VII.

Ab innocentibus, & sibi nihil conscijs, non esse metuendas eiusmodi desperatorum citationes.

His talibus inculcandum est, Deum odio alterius aut falsitati non patrocinari. Itaq; si ex æquo vel fecerunt, vel iudicauerunt; si constat de facti aut sententiae, ob quam

I eitan-

citantur, iustitia; possunt meritò eiusmodi citationem nihili facere. Deus iustus est, cuius oculus omnia videt, nouitque, qui sint nocentes vel innocentes. Deus supremus iudex est, cuius vice iudices ceteri funguntur. Præmium ergo ab illo, non supplicium debent expectare, qui, in tali casu, aut innocentes sunt, aut iustè iudicauerunt. Ita vidi à quodam Religioso Superiore rideri & contemni, cum à podagrigo valdeque impatiente Religioso (cui vinum negauerat vtique nociturum) in vallem Iosaphat citaretur. Adeò nihil effecit ea citatio, vt ægrotus, quantumuis podagricis pedibus, tamen ferè triginta antè annis, cucurrerit ad diuinum tribunal. Principem quoque noui, qui à compluribus sagis, quas rogo iustissimè addixerat, ad Dei iudicium nequicquam est inuitatus. Arserunt sagæ, Principi nihil mali evenit. Idem fecisse legitur magnus ille militum Imperator Gundizaluus Ferdinandus de Corduba: *qui, cum Tarentum obsidens maleficum quendam seditiosumq; inquit Iouius, militem ad supplicium duci iussisset; illèq; multùm reluctatus se iniquissimè damnari vociferaretur, & proinde Gonzaluum, ad dicendam causam ad Dei maximi tribu-*

**Iouius in
 vita Gon-
 zalui.**

tribunal, magna voce, citaret: *Vade, inquit, Gonsalvus, festināq; confisus optimo iudici, & causam instrue. Nam ibi, pro me aderit, qui opportunè respondeat Alfonsus frater; qui nuper ex Serra Vermegia, in calū contendit. Tum enim Gonsalvo nunciatum fuerat, fratrem à Mauris circumuentum, dignam forti piōq; duce mortem oppetisse. Ad horum exemplum quisquis est innocens, potest meritò spernere temerarios prouocatores. Non sunt audaces isti Leontisci, apud Deum, tanti, vt, ad illorum arbitrium, forum agat: *Voluntatem timentium se facit; Deum timentes, nihil mali petunt, aut dictant. Mali homines non sunt boni Dictatores.**

Psal. 144^o
19.

CAP. VI.

Ob eiusmodi citationes à Deo exauditas, magno diuinorum iudiciorum metu affici debere alijs iniuriosos, cuiuscunq; status aut conditionis sint.

§. I.

Iudices iniustos, meritò metuere posse, si quis, ab illis, ad supremum iudicem appellet.



T etiam exemplum faciat Deus, & grandes grandium iniurias, similes